

Сувимиз покми?

10:35 / 18.08.2017 4195

Савол:

Ассалому алайкум, ҳурматли Шайх Ҳазратлари! Бир биродаримиз ичаётган ва тозалик учун ишлатаётган сувимизни ктаҳлилация ва шунга ўхшаш сувларни қайта ишлов бериб яни қанчадир муддат тиндириб, ҳар хил дорилар солиб қайта ишлаб сўнгра бизларга беради, деб қолди. Мени хавотирга солган нарса, ажабо, бу сувнинг ҳукми қандоқ эканлиги. Шу тариқа берилаётган сувлар покми?

Жавоб:

[Шайх Мұхаммад Содиқ Мұхаммад Юсуф](#)

Бундай сувни ишлатиш мумкин.

Оқава сувларни тозалагандан кейин улар ила покланиш ҳақида

Аллоҳнинг ёлғиз Ўзига ҳамд бўлсин!

Ортидан Набий келмайдиган зот-саййидимиз ва Набийимиз Мұхаммадга саловоту салом бўлсин!

Аммо баъду:

Робитатул Оламил Исломийнинг Ислом Фиқҳи Академияси кенгаши ўзининг Маккаи Мукаррамада, 13 Ражаб, ҳижрий 1409 йил, душанба кунидан то 20 ражаб, ҳижрий 1409 йил, якшанба кунигача (мелодий 1989 йил 19 февралдан мелодий 1989 йил 26 февралгача) бўлиб ўтган ўн биринчи мажлисида оқава сувларнинг тозалангандан кейинги ҳукми ҳақидаги саволни кўриб чиқди. У билан тоҳарат ва ғусл қилиб нопокликни кетказса бўладими? У билан нажосатни кетказса бўладими?

Кимёвий йўллар билан тозалаш бўйича шуғулланувчи мусулмон, адолатли, содиклик ва омонатдорликда ишончли мутахассислардан сўраб-суриштирилгандан кейин, мазкур сувдан нажосатни кетказиш тўрт босқичда: сизилтириб, ҳаводан ўтказиб, микробларни ўлдириб ва хлор билан зарарсизлантириб амалга оширилиши маълум бўлди. Шундай қилиб, сувнинг таъмида, рангида ва ҳидида нажосатнинг асари қолмайди.

Кейин Академия қўйидаги қарорни қабул қилди:

Агар оқава сувлар зикр қилинган ва унга ўхшаш йўллар билан тозаланса ҳамда таъмида ҳам, рангида ҳам, ҳидида ҳам нажосатнинг асари қолмаса,

пок сувга айланади. У билан бетоҳаратликни ва нажосатни кетказиш жоиздир. Бунга асос, кўп сувга нажосат тушган бўлса, ўша нажосатнинг ундан кетиши ҳамда асари қолмаслиги ила у сув покланади, деган фикҳий қоидадир.

Сайидимиз Муҳаммадга, оила аъзоларига ва саҳобаларига саловоту саломлар бўлсин!

Оlamларнинг Робби Аллоҳга ҳамд бўлсин!